



Na osnovu člana 168. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj 38/14 - Prečišćeni tekst, 38/16, 44/17, 28/18, 52/21 i 40/22), člana 2. Pravilnika o obilježavanju "Dječije nedjelje" u Kantonu Sarajevo ("Službene novine Kantona Sarajevo", broj: 37/24), a u vezi sa poglavljem III.3. Programa obilježavanja "Dječije nedjelje" u Federaciji Bosne i Hercegovine za 2024 godinu, („Službene novine Federacije Bosne i Hercegovine“ broj: 70/24), ministrica za rad, socijalnu politiku, raseljena lica i izbjeglice Kantona Sarajevo, donosi

## **PROGRAM OBILJEŽAVANJA "DJEČIJE NEDJELJE" U KANTONU SARAJEVO ZA 2024. GODINU**

### **I - PREDMET I SVRHA PROGRAMA**

"Dječija nedjelja" u Kantonu Sarajevo za 2024. godinu (u daljem tekstu: "Dječija nedjelja") se realizuje u cilju podrške djeci na području Kantona Sarajevo.

### **II - PERIOD OBILJEŽAVANJA**

U 2024. godini "Dječija nedjelja" će se obilježiti u periodu od 07. do 13. oktobra 2024. godine.

### **III - PROGRAMSKE AKTIVNOSTI**

#### **1. Press konferencija - prezentacija Programa obilježavanja "Dječije nedjelje"**

Otvaranje "Dječije nedjelje" će početi svečanim obraćanjem ministricе za rad socijalnu politiku, raseljena lica i izbjeglice Kantona Sarajevo putem nadležne Službe za protokol i press Kantona Sarajevo.

Datum održavanja: 07.10.2024. godine sa početkom u 10,00 sati.

Mjesto održavanja: Multimedijalna sala Kantona Sarajevo, ulica Reisa Džemaludina Čauševića broj 1.

Nosilac aktivnosti: Ministarstvo za rad, socijalnu politiku, raseljena lica i izbjeglice Kantona Sarajevo



## 2. Centralna manifestacija obilježavanja „Dječije nedjelje“ u Kantonu Sarajevo

Centralna manifestacija obilježavanja „Dječije nedjelje“ u Kantonu Sarajevo“ će obuhvatiti djecu predškolskog i školskog uzrasta s posebnim fokusom na kategorije djece bez roditeljskog staranja, djece iz socijalno ugroženih porodica i djece oboljele od malignih bolesti.

Datum održavanja: 08.10.2024. godine sa početkom u 10,00 sati.

Mjesto održavanja: Sportska dvorana „Ramiz Salčin“ Mojmilu.

Nosilac aktivnosti: Federalno ministarstvo rada i socijalne politike, Organizacija Sportske igre mladih i Ministarstvo za rad, socijalnu politiku, raseljena lica i izbjeglice Kantona.

## 3. Dodjela finansijske podrške djeci koja boluju od maligne bolesti i imaju prebivalište u Kantonu Sarajevo

Dodjela finansijske podrške će se izvršiti putem Javnog poziva za dodjelu finansijske podrške djeci oboljeloj od malignih bolesti u okviru obilježavanja “Dječije nedjelje” u Kantonu Sarajevo za 2024. godinu na koji su prijavili roditelji, staratelji ili usvojitelji ove djece.

Uručivanje ugovora o dodjeli finansijske podrške će biti upriličeno u Roditeljskoj kući.

Datum održavanja: 10.10.2024. godine sa početkom u 10,00 sati.

Mjesto održavanja: Roditeljska kuća , ulica Betanija bb (krug Pedijatrijske klinike Jezero).

Nosilac aktivnosti: Ministarstvo za rad, socijalnu politiku, raseljena lica i izbjeglice Kantona Sarajevo i Udruženje „Srce za djecu koja oboljelu od raka“.

## 4. Medijsko promovisanje obilježavanja “Dječije nedjelje”

U cilju transparentnosti i upoznavanja šire društvene javnosti sa obilježavanjem “Dječije nedjelje” na području Kantona Sarajevo u 2024. godini, Ministarstvo za rad, socijalnu politiku, raseljena lica i izbjeglice Kantona Sarajevo će dostaviti blagovremeno medijskim kućama prikladno saopštenje za javnost, putem Službe za protokol i press Kantona Sarajevo.

## IV - ZAVRŠNA ODREDBA

Ovaj program stupa na snagu danom donošenja i objavit će se u "Službenim novina Kantona Sarajevo" i na WEB stranici Ministarstva za rad, socijalnu politiku, raseljena lica i izbjeglice Kantona Sarajevo.

Broj: 13-03/1-31-42025-4/24  
Sarajevo, 04.10.2024. godine

  
MINISTARSTVO  
Enda Pavić Pečenković



Adresa: Reisa Džemaludina Čauševića 1, 71 000 Sarajevo  
Tel: + 387(0)33 562-089, Fax: + 387(0)33 562-090  
Web: <http://mrsri.ks.gov.ba>, E-mail: [mrsri@mrsri.ks.gov.ba](mailto:mrsri@mrsri.ks.gov.ba)

2/2